

Katoneoch

Lesen

- 1. Ewe Paipel a áiti ngenikich meinisin met mi lamot sipwe silei pwe sipwe tongeni féri mettóch meinisin Kot a mochen ach sipwe féri.**

Lesen 2 -Ewe Testamen Nom me Testamen Sofo

Pworaus usun ewe Juta me Jentail:

Adam	Apraham	Moses	Jesus	Ikenai
Ina Epwe 2,000 Ier	Ina Epwe 500 Ier	Juta Allukun Moses	Ina Epwe 1,500 Ier	

Ina epwe 2,000 ier mwirin Atam, Apraham a manau. Orun 500 ier mwirin, Moses a manau. Iwe, ina epwe pwal 1,500 ier mwirin Moses, Jises a manau.

Lón Keneses 12:1-7, sia káé pwe Kot a ngeni Apraham úlúngát pwon. Ew me nein ekkei pwon a pwarata pwe meinisin muun fonufan repwe feioch ren emon non an Apraham we famini, me Kot a annuku pwe Apraham me meinisin chon an famini repwe sirkumsais. Lon Ekistos 1, sia kuna pwe mwirin ei famili a feilo Isip, me ra wiliiti chon kichiniwel ngeni chon Isip. Lon Ekistos 2:6-10, sia káeö pwe Moses a kapachelong lon ei famili. Non ei fansoun, an Apraham we famini a iteni chon Ipru me mwirin ra iteni chon Jus. Emon esap chon an Apraham we famili a iteni emon chon Jentail.

Keneses 12:1-7

1 Lon ewe fansoun ewe Samol mi Lapalap a üreni Apram, “Kopwe towu seni fanüom, seni aramasom pwal seni imwen semom, pwe kopwe feila lon ewe fanü ngang üpwe aiti ngonuk. 2 Iwe, üpwe achomonga mwirimwirum kana pwe ir repwe wiliti eu mwü mi watte, üpwe pwal afeiöchuk o alapala itom pwe kopwe eman wän feiöch. 3 Iwe, üpwe afeiöchü ekewe chon afeiöchuk, nge afeiengaua ekewe chon afeiengauok. Iwe, chon ekewe mwü meinisin won fanüfan repwe kúna feiöch reöm.” 4 Iwe, lupwen Apram a ierini fik me limu, a sai seni Haran, usun ewe Samol mi Lapalap a üreni, nge Lot a eti. 5 Iwe, Apram a angei Sarai pwülüan we me Lot nöün pwin, pwal pisekir meinisin ra achufengeni me nöür kewe chon angang ra nöüniir amanau me lon Haran. Iwe, ra towu pwe repwe feila lon ewe fanü Kanaan. Iwe, lupwen ra tori, 6 Apram a saifeil lon ewe fanü tori ewe leni itan Sikem, ia a wor ie ewe irä ook mi pin än More. Lon ena fansoun ekewe chon Kanaan ra nom lon ewe fanü. 7 Iwe, ewe Samol mi Lapalap a pwä ngeni Apram o üreni, “Ei fanü üpwe ngeni mwirimwirum kana.” Mürin, Apram a senätä eu rongen asor ikenan fän iten ewe Samol mi Lapalap mi pwä ngeni.

Ekistos 1:1

Iwe, ikkei iten nöün Jakop kewe mwän ra etala Isip, eman me eman fiti an famili:


Ekistos 2:6-10

6 Lupwen neminewe a suki ewe pasikit, a kúna eman ät, nge a kechü. Iwe, a tongei o apasa, “Tei i eman lein ekewe semiritin Ipru.” 7 Mürin, fefinan we a kapas ngeni nöün Farao we fefin, “Ifa usun, ka mochen üpwe feila o körato eman fin Ipru pwe epwe oupwu ngonuk ewe semirit?” 8 Iwe, nöün Farao we fefin a pälüeni, “Ewer, kopwe feila.” Iei mine ewe nengin a feila o kökköri inen ewe semirit. Iwe, nöün Farao we fefin a üreni inen ewe semirit. 9 “Kopwe eki ei semirit pwe kopwe oupwu ngeniei, nge ngang üpwe ngonuk liwinum.” Iei mine ewe fefin a eki ewe semirit o akoupwu. 10 Nge lupwen ewe semirit a märitä, neminewe a ekiela ren nöün Farao we fefin. Iwe, a nöüni o aita ngeni Moses, pun a apasa, “Üa ekiwu me lon koluk.”

Tuteronomi 5:1-3

1 Iwe, Moses a kōrifengeni chon Israel meinisín o üreniir, “Ämi chon Israel, oupwe äüselinga ekewe allük me pwüüng üpwe aronga ngenikemi ikenai. Oupwe kaiö ekewe allük o tümwünüöchüür, pwe oupwe apwönüretä. 2 Ewe Samol mi Lapalap ach we Kot a föri eu pwon ngenikich me fäsonun ewe chuk Horep. 3 Ewe Samol mi Lapalap **esap** föri ei pwon ngeni semelapach kewe, nge a föri ngenikich meinisín mi chüen manau o nom ikei ikenai.

1. Iö a kapas?
A. Eperiam
B. Moses
2. Iö kewe chon äüseling?
A. Chon Israel
B. Chon Isip
3. Met Kot a fëri ngeni ekkewe chón Israel lón Horep?
A. Eú pwon .
B. Eú imwenfel
4. A fori ei pwon ngeni semer kewe?
A. Ewer
B. Aapw
5. Nengeni lón noum we Paipel Tuteronomi 5:6-21. Ei pwon a kapachelong ekkewe 10 allúk?
A. Ewer
B. Aapw
6. Ekkewe 10 allúk ra ngeni semer kewe me iner?
A. Ewer
B. Aapw
7. Ineet ekkewe 10 allúk ra poputá?
A. Le poputaan ren Atam me If
B. Lupwen Kot a fos ngeni Moses won Horep
8. Ekkewe 10 allúk ra ngeni ié kewe?
A. Meinisín
B. Chon Israel



Nupwen ekkewe semirit ra fiti sukun, an ewe sense kewe annuk ra chok weneiti ekkewe

non an we class. Ekkewe sam me in resap nom fan ekkena alluk me ekkewe semirit lon ekkewe ekkoch sukul resap pwal nom fan nemenian.

Kot a ngeni chon Israel eu atipeeu me won ewe chuuk Sainai. Ina poputään ei pwon. Ese fen kawor ngeni ekkewe mi manau mwen ir. A chék kawor ngeni ekkewe chón Israel, mwirin ra iteni chón Jus. Ekkei wokisin ra pwarata pwe a chok fan iten ena mwichen aramas — esap ekkewe ekkoch muu are ekkewe tappin aramas akkom.



1. B 2. A 3. A 4. B 5. A 6. B 7. B 8. B

Kalatia 2:16, 3:16-17

2:16 Nge sia silei pwe eman aramas a kûna pwûng me ren Kot ren an lûkû Jesus Kraist chök, nge esap ren an apwönüetä ekewe Allük. Iei usun pwal kich sia lûkû Jesus Kraist, pwe sipwe kûna pwûng me ren Kot ren ach lûkû Kraist, nge sap ren ach apwönüetä ekewe Allük. Pun esap fokun wor eman a kûna pwûng me ren Kot ren an apwönüetä ekewe Allük.

3:16 Iwe, Kot a föri an pwon ngeni Apraham me mwirimwirin we. Lon ekewe Toropwe mi Pin esap mak “mwirimwirin kana”, wewen chomong aramas, nge a mak “mwirimwirin we”, wewen eman chök aramas, iei i Kraist. 17 Iei usun mine üa mochen apasa: Kot a föri eu pwonen atipeeu ngeni Apraham o pwon ngeni pwe epwe apwönüetä. Ekewe Allük Kot a ngeni ekewe chon Israel föpükû ilik ier mürin resap tongeni atala ewe pwonen atipeeu, esap pwal tongeni amorala än Kot we pwon.



Ewe Allük a fis 430 ier mwirin Apraham, ina ewe Allükûn Moses. Ei a alisikich le weweiti pwe ewe alluk mi mak lon ewe Puken Kalesia a wewe ngeni Ewe Allukun Moses.

9. Sia pwûng ren met?
A. Áchiféuwa
B. Ewe Alluk
10. Sipwe eani lukuluk won io?
A. Moses
B. Jises
11. Ifa usun, sia kûna pwûng ren ekewe föförun än Moses kewe Allük?
A. Meinsin
B. Aapw

Ikenai, sia fen ngaselo seni tipis ren Kraist, nge esap ren ewe Allukun Moses.

9. A 10. B 11. B

Kalatia 3:16, 23-25

16 Iwe, Kot a föri an pwon ngeni Apraham me mwirimwirin we. Lon ekewe Toropwe mi Pin esap mak “mwirimwirin kana”, wewen chomong aramas, nge a mak “mwirimwirin we”, wewen eman chök aramas, iei i Kraist.

23 Nge mwen ewe fansoun ewe lükülük esamwo wor, ekewe Allük ra fötekinikich tori wareton ei lükülük epwe pwäpwäla. 24 Iei usun ekewe Allük ra nemenikich tori Kraist a war, pwe sia tongeni küna pwüng me ren Kot ren ach lükülük. 25 Nge iei otun ewe lükülük a war, ekewe Allük resap chüen nemenikich.

12. Ié ewe mwirimwir?

- A. Moses
- B. Jises

13. Ifa úkúkún ttamen ewe Allúkún Moses?

- A. Tori ewe mwirimwir (Kraist) a feito
- B. Feinfeino

14. Ewe alluk epwe uweirelo ngeni io?

- A. Moses
- B. Jises

Ewe annuk a apwonueta popun an epwe uwei ekkewe aramas ngeni Kraist. Ina minne, ese chüen lamot.

15. Met ewe alluk a iteni lon wokisin 24?

- A. Emon sensen sukul
- B. Emon chon tumunu sitowa

16. Met ewe chon sukul a wewe ngeni?

- A. Jises
- B. Ewe Allukun Moses

17. Mwirin Kraist feito, sia nom fan nemenien emon chon sukul?

- A. Meinishin
- B. Aapw

18. Sia nom fan ewe Allukun Moses ikenai?


- A. Meinishin
- B. Aapw

Seni Kraist a feito, sise chiwen nom fan ewe Allukun Moses.

Iei Kot a pwarata pwe sise chuen nom fan ewe Allukun Moses.



Ew taxi a kan uwei aramas ngeni neni. Lupwen a uwei ena aramas ngeni ena leeni, a fen apwonueta popun me ese chuen lamot ngeni.



A pwal ina usun ren ewe Allúkún Moses. Nupwen nuku non Kraist a feito, ese chiwen namwot.

12. B 13. A 14. B 15. A

16. B 17. B 18. B

Kalatia 5:1-4

1 Iwe, sia ngasala, pun Kraist a angasakich. Iei mine oupwe üppos usun aramas mi ngas, ousap chüen atolongasefälikemi lon tettelin amanau. 2 Oupwe äüseling! Ngang Paulus üpwe ürenikemi, pwe are oupwe mwütätä pwe oupwe sirkomsais, wewen chök nge a fokun lomotongau mine Kraist a föri fän itemi. 3 Üpwe asilesefäli ngenikemi, pwe ika eman mwän epwe tipeeu ngeni an epwe sirkomsais, ätewe epwe fokun aleasochisi ekewe Allük meinisin. 4 Iwe, chokewe me leimi mi sotuni ar repwe kûna pwüng me ren Kot ren ar aleasochisi ekewe Allük, ra pûsin aimwûrela seni Kraist. Iwe, ir ra nonom lükün än Kot ümöümöch.

Non Tuteronomi 5 sia kaeo pwe ewe Allukun Moses a pachenong ekkewe 10 annuk. Poputa non Tuteronomi 6 sia kuna pwe mi wor chommong kinikinin ei annuk, pachenong ewe annuk pwe sipwe sirkumsais.


19. Ié a féri pwe sipwe ngaseló?
A. A. Moses
B. B. Jises
20. Are aia sirkomsais pwe aia aleasochisi än Moses kewe Allük. Ifa ukukun an Kraist epwe efeiochukich?
A. Meinisin
B. Ese wor
21. Ika sia achocho le apwönüetä eü kinikinin ewe Allükün Moses, ifa ükükün ewe Alluk sipwe alleasochisi?
A. Meinisin ena
B. Kinikinin ena
22. Ach apwonueta kinikinin ewe Allukun Moses a fori pwe Kraist epwe met
A. Ese wor lamotan
B. Ach Chon Amanau
23. Are sipwe sotuni ach sipwe kuna pung ren eu kinikinin ewe annukun Moses, met sia fen fori?
A. Kraist mi ling
B. A turutiw seni umoumoch

19. B 20. B 21. A 22. A 23. B



Lon eu fansoun, Fiji a nom fan nemenien Britain me a nom fan nemenien Britain.

Mwirin, ra pwisin nemeniir me féri pwisin ar kewe allük. Nge ekkoch annukun Britain me Fiji ra chok ew, met a mumuta non Fiji mwirin an ngaseno a chok anongonong won annukun Fiji, nge esapw annukun Britain.



Nupwen sia nom non ew fonu, sise tongeni finata ach sipwe aea ekkewe annuk seni pwan ew fonu. Lon lamalam, ussun chok lon ekkewe fonu, sia chok nom fan eu chok alluk. Kot a fen pochokun ne finata pwe ikenai sia nom fan ewe Allukun Kraist. Ika sia finata och kinikinin ewe Annukun Moses, sise angei ekkewe feioch mi nom non Kraist. Ina minne, sise tongeni filatá ewe Allükün Moses me kûna manaw.

Ipru 10:3-4

3 Nge ekewe asor mi fis iteiten ier ra achema ngeni ekewe aramas ar tipis. 4 Pun chaan ekewe ätemwänin kow me chaan ekewe kuuch resap fokun tongeni amorala tipis.

Ipru 9:15-17

15 Iei popun Kraist a wisen chon afförün ewe pwon mi fö, pwe chokewe Kot a köriir repwe angei ewe feiöch esemüch, Kot a fen pwon. Ei a tongeni fis, pun Kraist a mäla pwe epwe angasa aramas seni ar tipis kana ra föri fän ewe aeuin pwon. 16 Are a fis eu pwonen amwirinimä, a chök manaman lupwen eman a pwärätä pwe ewe aramas mi föri a mäla. 17 Pun eu amwirinimä a lomotongau are ewe aramas mi föri a chüen manau, pwe a chök tongeni pwönüetä mürin an mäla.

- | | |
|--|---|
| 24. Met ewe osukosuk ren ekkewe asor me ren ewe alluk lom?
A. Chchaan man ese tongeni amoielo tipis
B. Ese wor emon a sinei met epwe asoresini | 29. Ewe testament a wor an manaman atun ewe chon fori ewe testament a manau?
A. Meinisini
B. Aapw |
| 25. Kraist ewe chon apwung ren met?
A. Ewe Pwon mi Lom
B. Ewe Pwon mi Fo | 30. Ineet án Jesus we pwon a poputá?
A. Nupwen A manau
B. Mwirin An mano |
| 26. Ren met?
A. Uputiw
B. Mano | 31. Ifa ewe allúk a péchékkúl atun Jesus a manaw?
A. Testamen Noom
B. Testamen Sofo |
| 27. Ren an epwe eu testament met epwe fis ngeni ewe chon testament?
A. Ma
B. Kopwe uttut | 32. Menni allúk a péchékkúl ikenái?
A. Allukun Moses
B. Allukun Kraist |
| 28. Ineet atun a wor manamanen eú testament?
A. Lupwen ewe chon makkei ewe testament a fori
B. Mwirin an ewe chon makkei ewe testament malo | |

24. A 25. B 26. B 27. A 28. B


29. B 30. A 31. A 32. B



ka ka makkei ew testament me likiti imwom ngeni noumw we at, ena at esap tongeni feito angei ewe imw nupwen ka manaw pun ewe testament ese wor manamanan tori omw kopwe mano. A pwal ina usun ren ewe Allúkún Kraist. An we testament ese wor manamanan tori mwirin An mano. Ina popun nupwen a manau won fonufan, Jises a aneasochisi ewe Allukun Moses me a aiti ekkewe chon Juta ar repwe fori usun chok. Pokiten ekkewe asorun man mi kawor fan ewe alluk lom rese tongeni amoielo tipis, a lamot chchaan Jises we. Ren an epwe wor eu minefoon alluk, a lamot epwe wor eu minefoon asor.

Kolose 2:14

14 o amola makken ach kewe liwinimang mi mak lon ewe toropwe fiti allükün kewe mi ü ngenikich. A angei senikich meininis o chüföläüretä won ewe iräpenges.



33. Ewe Alluk Loom a fen riri ngeni ewe irapenges?
A. Meininis
B. Aapw
34. Lupwen ewe alluk a riri ngeni ewe irapenges, met a fis ngeni?
A. A sopweno ne fis.
B. A angei seni ewe aan (a muchulo).

33. A 34. B

2 Timoty 2:15

Kopwe fokun achocho ngeni pwe Kot epwe tipeeu ngenuk, pwe kopwe eman chon angang esap säw ren an angang, pun ka afalafala än Kot kapas mi let fän pwüing.

35. Met ewe kapasen enlet?

- A. Ekkewe makkeien aramas
- B. Ewew Paipel

36. Ren an epwe etiwa Kot, mi namwot emon epwe kinikinfesenni ewe Paipal non pungun?

- A. Meininis
- B. Aapw

35. B 36. A

Ach Äeä ewe Paipel fän Pwüing a kapachelong ach kinikinfesenni fän pwüing ngeni kinikin:

Keneses me kinikinin ewe puken Ekistos a usun ewe fansoun mwen ewe Allukun Moses a kawor ngeni Chon Israel.

Ekkewe lusun Ekistos me meininis ekkewe ekkoch puk lon ewe Testamen Lom ra mak lon eu fansoun lupwen ekkewe chon Juta repwe manaueni manauer me ren ewe Allukun Moses.

Ekkewe puken **Mattu, Mark, Luk me Jon** ra makkei uruwoon fansoun Jises won fonufan. Ekkewe Juta mi manau lon ena fansoun repwe sopweilo le alleasochisi ewe Allukun Moses tori an Kraist malo. Ina minne, Jises, emon chon Jus, a apwonueta ewe Sapat, ekkewe ranin fetellap, a fori asor, me ekkewe ekkoch alluk meininis lon ewe Pwon Lom. Esap wewen pwe mi namwot sipwe fiti ena annuk, pun usun sia fen anneani, an Moses we annuk a much, me an Jises annuk a poputa ne pochokun mwirin an mano won ewe irapenges. Mei wor chommong minefoon mettoch Jises a aiti minne ra mak non ekkei puk me ir kinikinin An annuk ikenai. Ina minne, a lamot ngenikich Chón Kraist ach sipwe áleani me káé ekkena puk pún a wor chómmóng mettóch mi mak lón mi weneitikich lón ei fansoun.

Ewe puken **Föför** a makkei poputän ewe Allük mi Fö, me a pwäratä ifa usun kopwe wiliti eman chon tapwela mürin Kraist, me aramas meininis, chon Juta me chon lükün Israel, repwe aleasochisi ewe Pwon mi Fö, nge esap ewe Pwon mi Lom.

Ekkewe **puken Rom tori ekkewe lusun kinikinin ewe Testamen Sofu** ra mak ngeni chon Kraist me repwe fiti ikenai.

Rom 15:4

Pun meininis mine a mak lon ekewe Toropwe mi Pin a mak fän iten ach sipwe kaiö seni, pwe epwe wor ach apilükülüköch ren ach likitü pwal ren ach küna pöchökülen letipach mi torikich seni ekewe Toropwe mi Pin.

Meininis masouen ewe Paipel a feito seni Kot me a enlet. Inaamwo ika sise nom fan ekkewe Alluk lon ewe Tesin Lom, nge mei wor chommong mettoch sipwe tongeni kaeo seni.